



Ֆինանսավորվում է
Եվրոպական միության կողմից

Չատագովության համառոտագիր

ՀԸԳՀ (CEPA) շրջանակներում ՀՀ համաչափ զարգացման առնչվող ՀՀ կառավարության պարտավորությունների շուրջ

2024 թ. դեկտեմբեր-2025 ապրիլ մայիս ընթացքում Եվրոպական միության և Հայաստանի Հանրապետության միջև կնքված Համապարփակ և ընդլայնված գործընկերության համաձայնագրի (CEPA), դրա հավելվածների, ճանապարհային քարտեզի և գործողությունների ծրագրի այն հանձնառությունների և գործողությունների և դրանց կատարման մոնիտորինգ է իրականացվել, որով նպատակ է եղել պարզելու, թե որքանով է ՀՀ կառավարությունը իրականացրել Հայաստանի տարածքային համաչափ զարգացման պարտավորությունները: ՀՀ հանձնառությունները սահմանված են ՀԸԳՀ հավելվածներում (Առաջին-132, 133, 134, երկրորդ-79, 80, 81): Մոնիտորինգի արդյունքում, ուսումնասիրելով ՀՀ օրենսդրությունը, ՀԸԳ համաձայնագիրը, հանձնառությունները, կատարողական ցուցանիշները, եզրակացություններ են արվել այն մասին, որ Հայաստանի համաչափ զարգացման հարցում Համաձայնագրում ստանձնված պարտավորությունների պատշաճ չեն կատարված: Դրա պատճառներից մեկը այդ հանձնառություններն ապահովելու գործողությունների անհամարժեք կամ թերի ձեւակերպվածությունն է, կամ էլ դրանց կատարման հարցում անվաբարար ջանքերը և հետեւողականության պակասը:

Մոնիտորինգի հիման վրա կազմվել են առաջարկություններ՝ ուղղված ՀՀ կառավարությանը, վարչապետին, Ազգային ժողովին և ոլորտային նախարարություններին: Առաջարկություններից մեկը վերաբերվում է համաձայնագրով ստանձնված հանձնառությունների կատարման համար գործողությունների վերանայումը, դրանց համարժեք սահմանումը, դրանց կատարողականությունն ապահովելու համար, ժամկետային, ռեսուրսային և ծավալային ցուցիչներով ապահովումը: Առաջարկվում է նաև վեց ամսում իրականացնել օրենսդրական և ենթաօրենսդրական ակտերի ընդունում, որոնցով կապահովվեն ՀՀ վարչապետի 2023թ. նոյեմբերի 7-ի № 1111-Ա որոշմամբ հաստատված Հայաստանի Հանրապետությունում լիազորությունների ապակենտրոնացման հայեցակարգը, գործարկումը: Առաջարկվում է նաև արմատապես վերանայել համայնքների ֆինանսավորման առկա համակարգերը, այն հաշվով, որ համայնքների, բնակավայրերի, տարածքների զարգացման, ենթակառուցվածքային ապահովման և ծառայությունների հասանելիության համար համայնքները ունենան անհրաժեշտ և բավարար միջոցներ, ինչի համատեքստում անխուսափելի պետք է լինի նաև պետական լիազորությունների վերաբաշխումները տեղական ինքնակառավարման մարմիններին:

Հայաստանի անհամաչափ զարգացման խնդիրը առաջացել է տասնամյակների ընթացքում, պետության զավթման մակարդակի կոռուպցիայի պատճառով, նաև այն պատճառով, որ



Ֆինանսավորվում է
Եվրոպական միության կողմից

«Աջակցություն ՀՀԳՀ-ի մշտադիտարկմանը, իրականացմանը և հաղորդակցությանը»
ENI/2023/442-873

Իշխանությունները այդ խնդիրը որպես երկրի կենսունակության մարտահրավեր չեն դիտարկել, անտեսել են ժողովրդագրական ճգնաժամը, տարածքներում ենթակառուցվածքների համար արվող ներդրումների կարելությունը:

Համաձայնագրի ոլորտային մոնիտորինգը իրականացրել, զեկույցը և առաջարկությունները մշակել է Ժուռնալիստների Ասպարեզ ակումբի խորհրդի նախագահ, տեղական ինքնակառավարման հարցերով մասնագետ Լևոն Բարսեղյանը:

Կոնտակտային տվյալներ | +37491821363 | levon@asparez.am | Հայաստան, Գյումրի, Մադոյան փ., 130/1:

Սույն հրապարակումը պատրաստվել է Եվրոպական միության ֆինանսական աջակցությամբ: Դրա բովանդակության պատասխանատվությունը կրում է բացառապես հեղինակը՝ Լևոն Բարսեղյանը, և պարտադիր չէ, որ այն արտահայտի Եվրոպական միության տեսակետները: